



周文忠公文選

卷五

恭和御製賜史浩詩

粵從三代還歲月過千禩時豈無賢君道未契
宸旨煌煌唐太宗勲業在所喜寇攘既掃除蠻
貊畢至止循良布郡邑惠政寬獄市忠賢儼班
聯切諫杞浮靡關輔羅府兵巖穴聘奇士民生

覆孟安國勢泰山倚皇心期過之風下九萬里
忠厚培本祿文物燦華藻淳熙視貞觀何啻相
表裏屬車尚濤江列障隔淮水蠢茲獯鬻氏作
我太清淨坐令營屯衆久費糗糧峙中原厭狼
貪諸將空虎視安得貫砮楛來貢尺有咫六合
混

亦盛生齒願言講治道先務當有幾

仁斯仁至患在未舉趾而况前史中遺事可
尋理衛英爪與牙王魏目兼耳處中賴房杜虛
受忘彼此不聞國異政但見車同軌孰云古道
難念曰今王是寸陰聖所競盛德日方起舞干
楛三苗其效七旬爾軻稱仁無敵傳謂禮可已
東鞮及北狄會見朝玉祀南山竹易殫神聖功
難紀儒館謾興歌爭柰詞之鄙

七言古詩

中蘓招王才臣賞梅花廷秀待制有詩次

韻

山中無曆記時節望月巡簷探花發遙看如來
粟布金旋觀姑射膚凝雪春自春兮龜自龜總
把繁枝挿滿頭那知上界碧瑤洞也憶人世道
遙遊梅花雪片偏宜桂手執新詩心已醉淮陰
看肯過舞陽盧子不羞從若士

韓子温以長句送江梅次韻

憶昔歸田交麋鹿雪裏尋梅踏瑤玉巡簷屢作
杜陵笑窮跼幾為步兵哭忽逢綠衣鬢如雲歌
舞醉人睡昏昏覺來但有風相襲夢斷初無香
返魂豈知重見長安聖喜極豐年簫鼓咽更讀
裴公東閣詩仍分處士西湖月皎如玉樹臨我
旁幸同待漏靴滿霜但願和羹繼先業不辭草
制搜枯腸

送蔡迨赴桂陽令

工部詩題滿劍川儀曹文筆照湖南身行蜀棧
曾幽討舟掛湘帆又飽參旆驥有心真自得拔

茅無述定誰慙金蘭正好追英彥蒲穀翻令試
子男縣古芳祠憐義帝地靈勝槩憶蘇耽冰臺
小試醫民瘼帛幅高張律吏貪衛颯化行先禮
教茨克政美是耕蠶故家遺倍今無幾徃行前
言孰可談鴻鴈峯高書莫繫驪駒歌闕酒空酣
伊予已卜江湖隱靈壽何時寄草庵

徐元敏頃和子中兄長篇語頗相屬今承
出使交廣次韻蕪簡經略劉文潛

少年同仕秦淮口醉裏慙慙掃花帚蒼顏白髮
二紀中夢斷賞心并折柳非才晚汙論思地分
察久觀彈擊手端方期不負耳目詰曲誰能學
跟肘善良無憂藜藿採讒諛有類磨麈走三年
執法念少休萬里立功圖不朽遙知二十五州
民即日春風散醇酒吏驚繡斧指東海士喜文
星避南斗由來炎雲多瘴癘是處黃茅少林藪
自從英英賢牧至蔽芾棠陰地無醜同年相逢

定傾蓋痛飲何妨暫濡首書來不用詫梅花共
說蒼生蘇息否

進讀三朝寶訓終篇賜宴賜賚謝恩詩

藝祖提劍開八荒太宗混一垂衣裳真皇破虜
神武揚夷夏億寧法度彰寶訓成書紀宏綱有
典有則萬葉昌憶昔壬午神龍翔季秋庚子辰
集房肇開講席臨清廟赭袍玉斧光照廊台司
夾侍書案黃翰林進讀天容莊微臣簪筆近御
牀親聞玉音義甚長君子小人初何常非闕時
運弱與強祇繫人主所否臧當年記注此特詳
往來寒暑今一章牙篋謬執心徬徨終篇正值
恩德洋道山肆筵酌天漿宮花壓帽羅絲簧硯
來復古翰墨光馬出帝閑真驪驢閩山正陪隨
寶香君賜如天不可量歸美獨愧詞荒唐恭惟
聖治超百王夙夜基命不敢康文德既修狄可
攘俎豆永掃旄頭芒三聖勲烈同煒煌萬年億

載娛慈皇

寄題永新張氏無盡藏堂

山間明月江上風取之無禁用不窮仇仙一發
醞鷄蒙往往擇勝貪天功斯堂飛梁挾雙虹坐
客常滿尊不空翰林主人極形容無柰圓缺雌
與雄豈如清都廣寒宮默存身已游其中長春
不夜四序同禦寇法善聊相從

進謝御書詩

允文元祐詞臣軾勁節名章世無敵御前曾賜
紫薇詩袖裏驪珠光爍的小臣謬直白玉堂也
紆皇眷摛雲章雲章元是七德舞字句筆法超
鍾主兩朝相望九十祀長慶集中偏屬意咸池
日照草木光天門龍躍魚鰕悖我皇英銳真太
宗文武聖神功德隆黃鉞指期擒頡利捷書先
敲太安宮元和學士白居易臣非其才私有志
願隨班賀四海清續唐之歌傳萬世

次范至能憶同遊石湖韻

桃源非真亦非空幾年誤轉漁郎蓬豈知石湖
天尺五不隔三萬弱水中主公心伴白鷗沒暮
暮朝朝醉花月邇來一念了世緣蟬冕照人頭
未雪如今又作衣錦回汀洲依舊玉成堆聞道
丹青憶賢佐白麻早晚從天來斷章批處階重
抹敢向坐中論禮絕午橋他日儻重陪庶見芳
瞳并綠髮

詩

五言排律

明堂慶成二十韻

親饗嚴三歲邦彛重九筵祖宗垂統大天地著
功全惟睿崇昭報於時展吉蠲發揮皇祐日潤
色紹興年稽古千齡契齊心十日專揭名新扁
榜書冊屏葦羶假廟陰雲剝升壇皓月圓無風
搖燭影有瑞粲星躔不值連宵雨那彰倏霽天

五八文選 卷五
貳觴猶翼翼百拜愈乾乾歸次徒勞奏回班特
許股賀儀隨仗入霑澤御樓宣獻胙金絲合簪
花錦繡鮮慈皇顏有喜聖孝古無前和氣騰都
邑歡聲徧海壖祺祥應曼羨壽祿自綿延臣也
芻蕘賤恩斯雨露偏執綬華蓋裏草赦玉堂邊
第頌其居後逢辰幸獨先四方今日靖申誦我
將篇

慶東宮生辰二十韻

二聖仁無敵元良敬有加一丁昌火運三合聚
星家帝子初朱芾天孫更綠車東厨今啟誦重
慶昔勲華異表溫而厲英辭正且葩日三朝蠖
濩月兩照幽遐周鮑吾何嗜齊蒿爾自和金昭
全粹質玉裕絕纖瑕唐範刊譌謬丘經辨等差
虔心宗淡泊論樂鄙淫哇摘藻書盈軸穿楊箭
列戟共知文武備頻拜聖神嘉盤露清承掌窻
風冷度沙佳辰莫四葉樂歲粟千秬呈瑞芝生

草延年菊試花震維春不老鶴禁壽無涯喜氣
均三殿恩頒出正衙流香傳御酒七寶簇宮茶
釘坐麟為脯堆盤棗勝瓜子生同九月魯國謾
多誇

慶東宮生辰

聖祖基長發皇家慶遠覃金輪常御極銀榜夙
占男黃節辰遲五奠階莢度三英姿同父祖秀
氣集輿堪仁孝由天縱溫文亦性涵兩宮今並
事三善此誰慙玉珮班昕肅牙篋道日談儉寧
從節苦正每片言甘甲觀蘭開殿南陽菊映潭
名參周發誦壽百古彭聃政省叨裁弁宮僚阻
盍簪賓筵應秩秩鍾鼓夢籛籛

龍學張彥文挽辭

豈弟基巖邑名聲起使華臺評扶國是諫紙合
謨嘉念昔陪東府看公肅正衙班齊人立鶚疏
出字飛鷗漢履星辰遠江祠歲月賒負圖官益

益公文選 卷五 九
峻賜札禮彌加耄耄常稱道見孫競克家歸全
無一愧殄瘁有長嗟

丞相余處恭挽辭

勲業良平亞聲名丙魏齊擎天安玉座推轂聚
金閨鄉壘休鵬翼沙堤望馬蹄新麾辭海上舊
治樂湘西豈料占飛鳥真成夢白鷄九重思汝
礪三鎮有兒啼昔者同朝久公平不我睽八哀
空日誦一束幾時携

七言排律

次韻陳叔晉舍人殿試筆記

帝垂清問切恢圖士貢昌言敢導諛高下共知
歸至鑑考評聊許備先驅四帷迫隔心常渴三
榻橫連體自舒烏府凜然賢執法紫垣籍甚古
通儒墨朱同異容兼採等級從違得細書尚醞
時頒缸酒太官日饌腹前臚天香謾炷薰常
歇貢茗虛霑樣頓殊晨壁搖風愁幕冷夜窓透

益公文選 卷五
月喜簾疎九賓屈指臚連句千慮傾心智與愚
會待詔恩三日沐湖山尋勝任舟輿

周文忠公文選

卷五

詩

五言律詩

次邦衡韻

舊第閑梅塢新知泥柳橋情先春色動節後歲
寒凋久矣承三接冥然冠百僚不須驚鶴髮未
擬挿蟬貂

挽徐稚山

有美傳清雅無心問介通
僉言宜僕射累疏避
司空身後疏巾歛生前濁酒中
吳鈞無路掛灑
淚寄西風

送劉子和教授赴贛州

籍甚詩書帥中和正爾歌人
番河內寇帝念禁
中頗餘事裒丁志多聞重乙科
固無官長罵解
使客羶多

楊謹仲和徐師川中秋賞月詩邀予次韻

浥露清如洗明河靜不流
珠圓合浦夜漸盛
淅江秋朗詠陳王賦
幾成法善游廣寒非獨冷
莫為客羶謀

送石似之倉部出倅漳州

半刺臨漳郡榮歸衆不如
棠陰三世舊梓里數
程餘野老談遺愛
儒先叩異書依烏帶
東壁從
此照閩壚

余仲庸從辟廣西示洪景廬所作松風閣

記題詩及招隱

小松風颭颭長松風冽冽遙知蒙溪上餘韻兩
清絕宦游正可樂歸夢未應切待生丁固腹徐
化莊周蝶

次張欽夫韻送胡長彥還廬陵

解印陶元亮居鄉馬少游久憐高士少今喜故
人優客至無何飲身閑有底愁自然仁者壽誰
羨道家流

挽學士吳明可

憶昨經洪井連朝點玳筵東湖波浩蕩南苑月
婵娟蝨飲驚三雅蛩吟羨百篇祇今悲舊事何
日奠新阡

和七兄秋浦韻

遵渚逢魚素巡簷驗鵲占江雲懷李白籬菊咏
陶潛句好那容畫才高却道鹽皇華聊吏隱清
論付廷僉

寄題謝昌國尚書桂山堂

京國薪如桂家山桂滿林葉畱經歲碧花盛雨
秋金作檝商舟穩為梁漢殿深幽香宜自閔莫
待斧斤尋

胡元之提刑寺丞相過寵示二詩次韻為

謝蕪簡趙再可經畧張君量運使

惠政群州楷清名萬口傳南交需按察北闕正
詳延契分元重復封疆互接連勞歸知有日還
竚楚江邊

外計初馳傳元戎久奏功馬牛非北海鷄犬是
新豐梅萼三冬綠榴花四季紅德星臨越分桂
海即吳中

七言律詩

訪楊廷秀賞牡丹

楊監今勝賀監家
 賜湖豈比賜書華
 回環自斲三三徑
 頃刻常開七七花
 門外有田聊伏臘
 望中無處不煙霞
 却愁下客非摩詰
 無畫無詩只謾誇

營小圃輒成鄙句

百年種德十年栽
 映帶雲巖與月臺
 無問四時

留客醉何曾一日不花開人人爭羨富登覽物
物豈知工剪裁我比樊須身更老只今學圃亦
悠哉

與歐陽伯威葛德源小集團中再用路公
韻成鄙句并錄舊詩奉呈

結茅近市壓平川園棘爭門想少年鹿記楊侯
歌始舉鶴歸丁令化飛仙詩場曾作推敲手文
會今隨出入肩同甲唱酬殊未已首篇聊記老
而傳

魚兒牡丹

天教姚魏主芳菲合有宮嬪次列妃玉頸圓瑳
宜粉面霞裙深染學翬衣枝頭窈窕魚雙貫風
裏蹁躑鳳對飛莫把根苗方芍藥留春不似送
將歸

李子權屢求所居江月亭浴沂齋詩老病
未能作坐上示及和花妃詩甚工即席次

韻一首所謂一彩兩賽也

姚皇

借黃字

去後幾菲菲湘水依然從二妃雙淚

一時紅作鬣連枝千載綠為衣檻前班竹應同
伴波面文鴛欲共飛吟徧世間閑草木何如江
月詠沂歸

揚廷秀萬花川谷中洛花甚富乃用野人

韻為魚兒牡丹賦詩光榮多矣惡語叙謝

萬花川谷競春菲也許湘靈媵伏妃翠葉迎風
牽符帶紅綃浴日濕宮衣共船不妬龍陽釣警
乘猶疑洛渚飛誰把荒園一魚目換將五十六
珠歸

趙正則司戶沿檄而歸玉葉已過追賦車
字韻詩奉荅

春深遊客競繁華寶馬香輪帶麴車不為來看
招隱樹有誰肯顧野人家飛飛粉蝶鬢相映皎
皎銀蟾色共夸今得審言詩勝畫傳神何必趙

昌花

送韓希道移漕江東

饋餉隨蕭不作難秦淮今視漢秦關天開虎踞
龍蟠處地近鷄翹豹尾間洗印先經三峽寺觀
風徧踏九華山盡收竒秀歸詩橐却趁賡歌供
奉班

賀升卿年垂八十以書寄平園新詠二十
二篇又錄十年前簡予四詩尚有訪戴之

興謹次最後一章韻為謝

文與年高豈樂天字隨心正亦公權吟詩作賦
晴窓裏問柳尋花野水邊喜我新巢三徑就勞
君舊句一時編雪舟有興休回棹共載期追李

郭仙

七月十四日江西美約周愚卿兄弟相遇
共觀鶴雛羽毛褐色因飲雙投新酒擘闔
中生荔于白蓮池上遂成勝賞明日西美

有詩走筆奉和

起來汗浹似翻漿客帶清風變早涼
鶴子曳衣猶淺褐鴉兒對酒已深黃
白蓮近揖三千女丹荔遐招十八娘
但把槐忙付年少不妨老伴燕林塘

次韻章茂猷謝茶

墨淡名高筆有花
胃中五色補皇家
諫書夜奏常焚橐
講舌時乾每賜茶
秘視重尋丹竈火
長生元笑紫河車
新詩有味知何似
雙井春來試白芽

次楊廷秀

修竹凌寒劔戟攢
何如綺繡媚千般
爐薰錦帳朝衣夾
花顛金釵舞袖單
少態山茶空艷艷
多姿梅葉恨欒欒
西清垂意君知否
應記青綾舊蹇蘭

回謝胡邦衡

漁父文選 卷五
觚稜回首六經春重挈何囊上要津桑下未忘
三宿戀柳邊仍喜一番新即開東閣招奇士快
與西湖作主人濁酒誇張真過矣如公詩句乃
清醇

和衡用舊韻慶予生朝賡續為謝

蓬山落拓復經春宦海茫洋懶問津志節漸銷
平日壯髮毛空比去年新午橋早並緋衣相一
月還同赤壁人天遣駑駘追驥騄無如才德異

疵醇

登高於真珠園

勝遊元在十人中健翮先培萬里風落帽有歡
追戲馬我冠無計屈乘驄對門尚許官曹近光
館猶期燕會同幸可誇張年少在未湏細數菊
花叢

次和衡韻

講席人期相鄭覃石渠我忝繼齊堪碧琳殿邃

同宣召白玉堂深接笑談寓直敢陪東道主登
高尚想北山南洞巖勝集空回首何日芒屨許
再探

有懷泰之輒寄四韻

當年給札踏金鑾重到依然九月寒學士策詢
學士策秘書官試秘書官自憐綠鬢非前度尚
喜青衫揔一般寄與浙東程閣老莫矜紅旆笑

儒酸

寄戴子微運使

早日逍遙侍從間重來奉引近威顏倦趨北闕
晨霜冷思上南樓夜月閑直指不誇新衣繡曲
臺只記舊聯班豈知隔面心猶渴空訝相如下
筆慳

和龍舒兄春日出郊韻

庭東蒲鞭吏晝閑禽聲人語兩闌闌郊垌戎隊
穿花裏阡陌兒童戲雉間禪語屢題投子寺仁

風常滿皖公山薦書聞道交宸几尺一封泥合
錫還

次七兄秋浦佳篇韻

雲錦撐舟引興長冉香回首惜年芳碧簫擎雨
時傾蓋紅旆搖風暫亞槍近楮何妨攀太華真
粧應笑弄西涼夕蟾忽散金千炬歸夢依稀到
玉堂

寄題張元善新作楚觀

軍華蕪沒岳陽城風月還從此地分日極洪流
江接漢胸吞大澤夢連雲年豐樓畝糧盈野士
飽騰槽馬軼群收取關河報明主雲臺烟閣佇
竒勲

程元成待制書來叙別園攬有亭葵心秀
野二堂之勝見索惡語老病不暇徧賦謾
徃一篇

燭引金蓮白玉堂宮垂銀榜左春坊毛曾久倚

黃門樹武子今封邵伯棠攬有羨君花竹秀課
無憐我簿書忙歆知兩地相同處亭午葵心向
太陽

次邦衡韻

鷄林空詫夜明簾鰲禁曾迎金炬蓮却向江城
度元夕同看燈箔樂新年盤紅坐覺光如晝鞍
白端令意歆仙歸對短檠惟寂寞酒醒漏永不
成眠

次同年楊謹仲教授韻

才氣崢嶸蚤斷鰲詩豪不獨酒中豪其誰代匠
類傷斲之子良庖却善刀莫嘆廣文官獨冷絕
勝州即臧徒勞泮官方采僖侯藻高士林尋仲
蔚蒿

邦衡贈麻姑觀道士李惟賓次韻

蓋世成功陋漢黥翩翩招掛許誰檠氣凌霄漢
哮崖鶻文活波瀾掣海鯨囊水謾疑韓信快柵

淮終畏進兵勅先生餘事為詩老天宇行將一
柱擎

近會同年賞芍藥棠櫻桃楊謹仲有詩次
韻為謝萸簡周孟覺知縣

清晨自掃落花廳小甕新篔竹葉青簪盍同時
遇陋巷臚傳相與記彤庭階翻紅藥曾重見勅
賜朱櫻亦屢經老去飄零無此夢詩來吟詠有
餘馨

次韻徐元敏權貨同年

當年駕鶴共駮鸞對躡丹梯上廣寒綠髮旋同
依帥府華顛今並列王官文才似我無多子契
分於君有四般念舊不妨頻枉駕甕頭隨意酌
茸酸

送喻宮教出倅會稽

拾遺羈旅鑑湖秋太史崎嶇禹穴游只駕貳車
良白足更榮三釜復何求千山徧踏詩材富萬

整 觀史筆道稍待政成歸魏闕便從麟閣上
端頭

臘旦大雪何用牀送羊羔酒拙詩為謝

未雪兵厨已擊鮮雪中後事到尊前淺酌未辦
銷金帳快瀉聊憑藥玉船醉夢免教園踏菜富
見休詫饌羅羶爛頭自合侯閤內何必移封向
酒泉

太守趙山甫示和篇次韻為謝

阿嬌金屋聚芳菲當御銀環序妾妃龍女墜天
顏素頰鮫人出水織纁衣袖垂戶外瞻雙引鷺
在宮中第一飛不用蟲魚箋爾雅史君行合左
符歸

次韻廷秀待制玉藥

姑射山前雪照人長安水畔態尤真步搖翹玉
中心整瓔珞塗金四面勻常咲荼蘼藏浪藥獨
藥殿餘春自從唐代來天女直到平園見

次韓尚書韻相約觀潮因內直未赴

禁直惟聞漏鼓催潮聲遙聽訝輕雷忽傳傑句
天邊得如對洪濤海上亦大筆真能挾風雨小
才何敢助涓埃古今竒觀湏秋半好約重啣伯
雅杯

胡邦衡賜茗用津字賦詩謝之

淳熙又貢第三春驛驥星馳度劍津七祖師泉
難話舊八功德水且嘗新雪亭烹處休裝景火
閤煎時却可人只恐春從官柳動樂天還欲醉
精醇

再次邦衡韻

一別龍門不計春思公夢渡大臯津遙知綠野
朱顏好應咲紅塵白髮新午茗親烹晉上客夜
棋酣戰調佳人道腴有味詩偏勝向止冰凝與
蜜

送康伯可致政兼簡吳給事

五車七十古來希况是丁年解鞅羈神虎衣冠
洪景挂都門供帳仲翁歸舊街新命俱即宿處
士儒官揔少微林下若逢龍閣老為言台嶺轉
光輝

詩

七言絕句

中秋初夜見月欲登樓而陰五鼓如永和鎮
省七兄月色如畫

携壺擬欲上層樓雲掩冰輪且罷休誰料五更
南柵路却成解后好中秋

平園之北有荷花數畝張彥和以售於予戲
工小詩

紅白滿方塘風度人言似六郎屬我屬君
必問康廬蓮社有周張

中秋梅桂盛開黃巖老欲賦詩紀異輒以
一韻引玉

巖前丹桂隴頭梅元是蟾宮一處栽
惟底今年秋月好同時僊子下瑤臺

萬花川谷主人為海棠賦二詩斷章有平
生不帶看花福不是愁中即病中之歎代

花次韻

江國群芳自有餘詩才酒興不愁無
却憐西蜀移根遠醉向東風落筆初

其二

傳粉施朱淡復濃不辭沐雨更梳風
豈知命似佳人薄不在吾公樂事中

秋少似春花紅眼明見此木芙蓉
斜臨野水讀次對兄芙蓉絕句歎服不已
効顰于后



原件短缺

文選 卷五
作鏡似照曉粧濃未濃

賀升卿看春秋會正論屢督跋戲往

三傳名家各是非聖經元自許傳疑遲遲著語
君知否游夏猶難措一辭

子中兄招飲次韻二首

青衿學道不憂貧黃髮相看並乞身
前有二疏今可企免教人謂魯無人

其二

秦人溪畔漢人山萬木參天六月寒
寫向湯休詩集裏老夫要作畫圖看

夜直懷永和兄弟

玉堂清冷夜初長風雨蕭蕭憶對牀
檄道傳呼鍾鼓密夢魂那得到君傍

入直召對選德殿賜茶而退

洗夾道集昏鴉勅使傳宣坐賜茶
歸到玉堂清寐月鈞初上紫薇花

過鄔子湖

頃湖光似鏡平
蜿蜒得道舟行從來仕路
風波惡却是江神不世情

餞劉文潛運使

幽人門巷冷如冰
使節光華肯再登
今夕青燈
話二館明年何處說廬陵

賦海棠郁李

萬點紅隨雪浪翻
恍疑身到武陵源
歸來上界
多官府人與殘花兩不言

中秋古梅盛開次子中兄韻

抱甕畦夫破井苔
炎天日日灌陳芟
探支春夜
無聲雨贏得冰花帶葉開

遠明樓

巍樓必欲稱元龍
須寫褒公與鄂公
鶴毳雞膚
老矣祇宜簑笠釣船中

大椿之下戲題

彭祖亦是鷄窠九世人
及皤然八十春若為百倍比莊椿藉令十此

壽星

誰把江西一幸民強摹南極老人星
穹龜鹿鶴朋三壽伴我松根斲茯苓

游元齡登仕寫予真求詩

休誇歲歲花相似莫嘆年年貌不同
閑伴長松與龜鶴免將開落問東風

口占

皓首相逢涉四年君歸鄱水我螺川
清風明月思元度試展丹青即儼然

戲題似務觀一咲

西百官中識放翁四年上下日相從
如今鶴伴山鷄舞羞對雲間陸士龍

謝幼學傳示衰容為題四句

短李客南康晚識渠家玉潤郎
自笑頭顱

五山曉依然如鼠復如麀

又

大患都緣有此身
咲看身外假為真
夢中更作西湖夢
誰謂先生不到閩

次七兄韻為本覺長老題

幅巾短褐鴈行秋
不照青銅不倚樓
今耄昔童無異性
世間寒暑任遷流

青原僧問予久不入山因而戲題

欲作青原掛塔僧
傳聞米價逐時增
繞腰三篋非難事
空腹何能念葛藤

遊仰山

家居只在仰山傍
自笑癡蠅凍守牕
也解分身千百億
從來一月印千江

岳興院僧希琦

何事俗塵同索我
精神阿堵中有相
要知皆妄發真那
更墮虛空

覺報長老

身凡心聖古盧能未着袈裟已是僧冷暖自知
師莫問但看老色幾分增

題龍堂院宗慙真

相將尋壑復經丘漱石何妨更枕流得法龍湏
隨七祖休官即將繼牛頭

與楊朱二待制叔懷道士說偈

閩嶺江鄉三散人更添閣皂一彌明何須和會
方為一月入千池體不分

與老衲祖證

捨俗歸真五十年自誇曾悟月庵禪誰知因殺
能言鴨拾得玉絲金彈丸

春日早起

樓上雲山逐望來樓前花木及時開老夫脚力
強在不記登臨日幾迴

寄楊誠齋

公文選 卷五
共什槐忙五十春交情非復白頭新却思此地
初傾蓋舊事重論有幾人

閣皂陳處和寄蒼玉軒圖小詩為謝

鴛溪未易掃千尋龍箨何曾看湓林誰遣琅玕
青我眼道人披腹有高吟

劉高士雲琴圖

目送歸雲膝抱琴山林猶恐不高深應憐三十
年前客擾擾塵心損道心

陳誠之以長句送楊州花仍約登快閣戲

答

清歌句句戛鳴球紅藥年年具綵舟更約倚晴
登快閣真如騎鶴上楊州

柳守羅達甫

使君為郡入蘇天六月清風更爽然客到同吟
仙舟橋公餘趣賞北湖蓮

泰和丞葺三亭于官廨寄題三疊

古亦承尚涉文書近世何曾識吏胥不對溪山
種棧李官居真復似僧居

又

松竹林中讀異書公餘有味在三餘立之尤未
登臺閣余不負丞丞負余

又

池疏龍首水循除日暖游鯈得自如官正忘機
民正樂子今知我我知魚

奉簡侍講年兄并題西省醪醑芍藥二首
群玉園中作主人紫薇花底會嘉賓風光總屬
程夫子好念文昌寂寞春

又

滿架冰肌合碧雲翻階翠袖映紅裙玉堂只有
金沙在伴直明朝又屬君

答陳泰之問蓮社事

杏壇儼雅猶難考蓮社荒唐誰更知好把鍾山

為儆鑒瞿瞞畱作晚年師

挽敷文閣學士李仁甫

萬古仇池一老仙前身游宦憶西川
令威化鶴空千載何事重來十五年

周文忠公文選

卷五

賦

夢仙賦

歲直執徐月旅無射佳哉秋氣適此初吉欣涼
飈之却暑假午枕以自逸一性融兮蝶化萬籟
靜兮龜息不噩不驚非想非因倏矣止夫邃宇
恍前瞻乎異人松姿鶴骨谷虛淵渟方瞳瞭然
兮僊之真者耶肌膚冰雪姑射之神者耶予方

公回眩駭屏息却立已而蓋雲合車駁擊嘉賓
至初筵秩既銜盃以相屬俄陳疑而互質則有
辯博之客誦言越席曰惟主人形與神一必能
超百塵之數通紫庭之籍其致此也亦有術乎
主人唯唯客曰東海之山玄都之闕峩眉錦屏
之西羅浮岫嶠之南群聖窟宅乎其中大藥羅
生乎其間安期鍊五石之精葛洪成九轉之丹
桂父食桂而蟬蛻涓子餌木而鸞驂陽陵則石
脂度世赤頰則栢葉超凡荀解后其刀圭斯可
緝已華之髮而駐將老之顏矣君亦有所遇而
然乎主人輒然而笑泛然而語服食之法蓋道
之粗諒假是以佐功詎執斯而為主且客見夫
辰錦之丹砂連韶之石乳乎箭鏃鴛管世不乏
取逮仙茅與芝苓詐微物而遽數儻資藉以引
年是家松喬人鍾呂也得無與徐市盧生之罔
祖龍文成五刑之欺茂陵者伍歟僕是以不釋

於吾子之言客曰沆瀣夜飲朝霞晨餐返七還
九守一存三挹靈液於玉池下潤澆於丹田交
梨火棗茂其本黃芽赤水豐其源遁堪輿之當
數盜陰陽之純全意征僑羨門山圖赤斧以是
為金丹之祖長生久視之先也君其捨誨主人
曰客觀其微矣而未臻其妙也莊生不云乎吹
呶呼吸吐故納新熊經鳥申為壽而已矣此導
引之士養形之人彭祖壽考者之所好也必歛
從笙鶴跨鯨鼇友子晉儷琴高茲豈能髣髴其
秋毫也哉願置此而進乎道客曰至道之精窈
窈冥冥至道之極昏昏默默彼淺昧之莫知汨
聲利以自賦至人則不然健羨聰明去于內榮
華滋味徹于外不將不迎淡以遊心爰清爰淨
漠以合性此廣成子脩身千二百歲之道也非
衆妙之門耶主人曰如客所言槁木耳寒灰耳
若夫乘天地之至而御六氣之辯以游無窮者

稿木寒灰云乎哉客乃茫然失措赧然四顧頃
而言曰蟬螿不知龜龍者其智眇也鸞鳩不知
鷓鴣者其見小也惟先生幸詔之主人曰子來
前夫不養其心不足以保性命之真不致其誠
不足以贊天地之生養心之體子既言致誠之
用吾將傳焉必孝於親必忠於君推隱德以及
物崇陰功而利人惟不欺於方寸尚何有於飛
昇遠莫暇夫殫述概吾陳其至近旌陽之許嵩
山之靖內養心而全道之真外致誠而精已之
行職纒尹於一司澤徧加乎百姓匪外驚於末
術卒繁華於仙聖推而上之說相武丁既以此
道而有天下遂騎箕尾而比列星率自根而自
本配霄極以長存子於我乎有疑請考古而驗
今於是客撫髀而躍曰吾得之矣吾得之矣乃
庸作歌以侑芳醴歌曰功行三千積多生兮帝
賚良弼佐武丁兮萬有千歲壽而臧兮層霄下

士去來何常兮又歌曰鬱羅兮玉京君之朝兮
珮環鳴崑崙兮縣圃君之遊兮鸞鶴舞天風兮
冷冷吹羽蓋兮飄霓旌雲車兮氣馭凌倒景兮
周上下音戶覲方士之遑遑兮欲登真其何路主
人欣然為客滿觴予亦破夢亟紀其詳蓋非獨
閔子房之辟穀亦所以救昌黎氏之渺茫也

詞

胡廉夫哀詞

彼美人之姣好兮嗟容與厚江之岑纒蘅蒨之
芳澤兮扈薏芰以為襟初篤好此竒服兮企高
丘其嫁旃旆膏棘軸日途遐征兮莫掣曳而疾
顛理桂楫與蘭櫂兮波瀕洞而興前賓鴻跼跼
其遵渚兮鸞鷁安翔而戾天茹余心其何郵兮
蹇前跋而後蹇將賞音之不逢兮抑鑿柄之不
契畦冰臺且雕欄兮胡繩芝輿偈不倪壁假弊
帚曾不吝兮顧瓿甌其韞匱駟三世以冰炭兮

固毋恠乎君之棄均內外其不免兮尚何擇乎
豹毅媒梟鳩其亦可兮繫後日而恐悔及歲序
之未晏兮曰深藏余不驚恠潔飢以為蟬兮寧
頗頷莫余毒蜣螂果其腹兮則余心之所忸不
我由其亦已兮又奚必懷沙且占服棲衡門其
苟安兮無庸乎靈茅之卜也憺遯世以無悶兮
其以律此俗也羲和奚而不淹兮晷奄奄其即
昧谷也喟長夜兮不可晨憊莫知兮莽愁辛望
夫君兮已遠靈害日兮來迓咨競爽兮二惠尚
脩名兮悠緬

頌

雙栢頌

侍讀胡公去值夏之三十年始葺舊第而居之
顧視異時手植草木十不一在惟門術之右雙
栢凜然同本岐支對聳交茂公指謂客茲土墟
於盜也久矣而栢獨存真後凋者哉客曰不然

維公之德可况有五其存也固宜棟梁之器雖
小已異袁司徒之言公生似之寘于平地千丈
日至昌黎伯之論公學以之雖坎壈於中年亦
殊群而挺正逮茲時之重芳叶江夏之流詠瞻
漢臺之列樹棲晨暮之慈烏方弄印而闕長諒
匪公其孰居既扶持以神明必君臣之際會告
成功於歲寒非武侯吾誰賴且夫抗疏紹興其
砥柱乎立我大厦其該輔乎雙榦之祥又何著
耶不然是栢也雖非雪霜之可移設若燎于熱
屬薪以堯兒殆與蒲柳等爾其免佇立而吁恠
者幾希夫然故客譽之非詫也公受之非過也
言有不足頌以播之其詞曰公之居兮畝宮公
之材兮棟隆尚封殖乎此木以無忘夫用兮
贊

盧溪先生王民瞻真贊

嘲弄萬象雕琢天和不見詩人未老鬢皤先生

九十乃爾顏醜窮則追澤畔之吟達則和沛中之歌人徒見其善者機吾獨喻之井無波蓋風被而文成非月鍛而日哦雖以此千百歲可也彼造物者其如予何戊子八月一日

侍讀學士劉公真贊

辭章秦漢不踐內制才識班馬不為太史蓋時通而命塞亦名高而衆忌雖然問學如歐九而資其博英傑如蘇二而服其氣茲所以為公是也歟紹熙二年三月三日題

贊

東坡像李伯時作曾無疑截之命予贊之龍章鳳姿揮斥八極天心月窟照映萬物孟子之氣莊周之文瞻之在前尚有典刑

徐涇教授求六一先生贊

我不識公而哀斯文稷言舉謨宋艷班薰四海所宗一鄉何有瞻之在前瞠乎若後

又求胡忠簡公贊

春秋尊王外攘夷狄幼學壯行終始惟一凜然
英氣尚父是匹揭之徂征可却回紇

延春谷桃李寺泉贊

無漢臣之功圖形凌烟無唐人之文寫真集賢
昔假塗於虔化今夢想其山川孫氏延春之谷
桃李迺夏之泉蔽虧金精之洞坡陀七佛之巖
豈無高人若隱士如我白髮與蒼顏雖未能徃
從之游尚持此真諸其間乎

祥符長老智華寫于真求贊

五蘊皆空四大和合昔者逢場東塗西抹今茲
面壁有無問答似耶非耶任師指撥

青原知藏僧法源寫真求贊

精不搖神不驕鬚任禿顏任凋人擾擾而膠膠
爾寂寂而寥寥知壺子其誰何異漁父之堪描
住壁觀以默照免室邇而人遙

使臣周允寫平園老叟真於松竹龜鶴間
戲贊

松可以傲霜雪竹可以延風月龜巢葉而養氣
鶴鳴臯而戢翼寔閑身於四物聊竊名於五一
長老紹南真贊

精神如虎在山談辯似瓶翻水誰家靈利衲僧
妙喜孫佛照子

德光頂相贊

靈隱山前口說喃喃龍安寺裏目視耽耽彼一
此一前三後三語息則默學人更參

岑彥真贊

石中韞着無瑕玉鑿裏淘成紫磨金八十年來
岑鉄面誰知一片老婆心

說

與僧中傑辨老氏說

豫章僧中傑著論二萬餘言扶持釋教證近世
元君實錄之訛傍引儒書極為詼貫求予一言
予雖涉獵載籍今已昏忘釋老二教又非素習
安敢妄有折衷昔野人爭蕉鹿而疑夢覺鄭士
師二分之謂非黃帝孔子不能辨也予於此亦
云

益公文選

卷五

四十六

云

贈仰山長老紹南說

大慧杲公說法如快劍斫陳何敵不摧接物如
洪爐鼓鞴何鐵不化一傳佛照光再傳仰山之
南所謂有是父有是子者始予隆興初識杲于
徑山淳熙中會光于靈隱紹興間款南於開福
三十三年見其三世矣燈燈相續知復何人南
其勉求之有則告我

戲答劉江觀音說

往歲安福士人刻木為觀音像以施予予問音
不云聽而云觀何也士未能對迺劉伯深解元
復以蜀繡像請益予告之曰子讀普門品乎無
畫意問佛子何因緣名為觀世音佛以善應諸
方所答之又云真觀清淨觀廣大智慧觀悲觀
及慈觀又云妙音觀世音梵音海潮音勝彼世
間音今常人眼力所及則見不及則不見也菩
薩能以千手千眼善應諸方何所不及况所謂

音者非止世間之音乎發大清淨愿運大慈非
心六道四生何所不觀乃欲以世間目視耳聽
論之陋矣劉君曰唯慶元六年

如寄齋說

泰和蕭人傑即所居作如寄齋取蘇文忠公吾
生如寄耳之句以自警丐予為之說蘇公博極
群書而波瀾浩蕩千變萬化復語絕少獨此一
句不啻八九次用之訪張天驥寄子由過淮和

王晉卿次劉景文韻送芝上人王敏仲末年遊
鬱孤臺諸詩皆不易一字其他人生如寄何不
樂之類尚未論也此理本出莊周記孔顏之問
荅以為世人直為物逆旅耳解之者曰不能坐
忘自得而為哀樂所寄也魏文帝晉謝安輩始
形于書詠于樂府至公然後表而出之其從宦
每以仁義為歸宿遷謫則遊于逍遙之墟食于
苟簡之田立于不貸之園平生所得情見乎詞

哀樂且不能寄奚暇問重複耶坐忘自得庶幾乎顏氏子矣蕭君其以是寘座右有好事者示之母但寄傲南窓而已

書曾無疑匹紙說

蘇文忠公素慕白樂天之為人蓋二公文章皆以辭達為主其忠厚樂施剴直盡言與人有情於物無著亦略相似樂天為忠州刺史作東坡種花二詩又有步東坡詩云朝上東坡步夕上東坡步東坡何所愛愛此新成樹文忠公中年謫黃州偶因築室遂號東坡居士常賦八詩其屬意有自來矣後為從官羨慕樂天口之不置如云定似香山老居士世緣終淺道根深又云我似樂天君記取又云出處依希似樂天其他形于詩者尚多惜乎閑居二十年之志迄莫能遂黃門公不云乎子瞻之仕其出入進退猶可考也後之君子其必有以處之矣慶元己未三

月三日友人曾無疑出示匹紙為書此說

詩話

陶淵明山海經詩

江州陶靖節集未載宣和六年臨漢曾紘謂靖節讀山海經詩其一篇云形夭無千歲猛志固常在疑上下文義不貫遂按山海經有云刑天獸名口銜干戚而舞以此句為刑天舞干戚因筆畫相近五字皆訛岑穰晁詠之撫掌稱善予謂紘說固美然靖節此題十三篇大槩篇指一

事如前篇終始記夸父則此篇恐專說精衛銜木填海無千歲之壽而猛志常在此去不悔若併指刑天似不相續又況末句云徒設在昔心良晨詎可待何預干戚之猛耶後見周紫芝竹坡詩話第一卷復襲絃意以為已說皆誤矣

王禹偁不知貢舉

小說多妄其來久矣王壺清話云王禹偁自知制誥出知黃州蘇易簡榜下放孫何等進士三百餘人奏曰禹偁禁林宿儒累為遷客臣欲令榜下諸生郊送奏可禹偁作詩謝之云綴行相送我何榮老鶴乘軒愧谷鷲三入承明不知舉看人門下放諸生予年十六七時嘗以歲月推之孫何榜乃淳化三年歲在壬辰明年癸巳易簡遷叅政是時禹偁謫外未歸又明年甲午方再為知制誥至道乙未遷內翰五月出知滁州非放進士時三年丁酉復召知制誥咸平元年

戊戌十二月罷知黃州二年己亥放進士孫暨等七十一人非三百人也且易簡已為執政而死其妾甚明然予頗自疑此詩或為它日之識其後隆興癸未予謂起居郎兼中書舍人值省試本擬同知貢舉屬壽皇銳意幸金陵使欲進發留予從駕不果差軋道壬辰為禮部侍郎兼直學士院適當貢舉在朝闕出身從官而虞并甫為相雅不欲用予時方遣泛使奏番予撰國書命翰林王曠知舉中書舍人趙雄同知此外惟沈夏有出身以工侍兼臨安既不可差乃趣召李衡為侍御史云試院無言事官則不肅鑠院纔旬日趙雄丁母憂亦不復補差淳熙戊戌春予為翰林學士上已點定而趙溫叔為相密奏云殿試臨軒當用天子私人主文今省試是禮部事乃就下差權禮部尚書范成大雖一時各有意其實三入不知舉之識先定矣

劉禹錫淮陰行

簇簇淮陰市竹樓綠岸上好日起檣竿鳥飛驚
五兩今日轉船頭金烏指西北烟波與春草千
里同一色船頭大銅鑼摩挲光陣陣早晚使風
來沙頭一眼認何物令儂羨羨即船尾燕啣泥
趨檣竿宿食長相見隔浦望行船頭昂尾幪幪
無柰脫菜時清淮春浪軟黃魯直云淮陰行情
調殊麗語氣尤穩切白樂天元微之為之皆不
入此律也唯無柰脫菜時不可解當待博物洽
聞者說也予嘗見古本作桃菜時東坡惠州新
年詩云水生桃菜渚恐用此字

唐酒價

昔人應急謂唐之酒價每斗三百引杜詩速宜
相就飲一斗恰有三百青銅錢為証然白樂天
為河南尹自勸絕句云憶昔羈貧應舉年脫衣
典酒曲江邊十千一斗猶賒飲何況官供不著

錢又古詩亦有金尊美酒斗十千之句大抵詩人一時用事未必實價也

杜荀鶴事

池陽集載杜牧之守郡時有妾懷妊而出之以嫁州人杜筠後生子即荀鶴也此事人罕知予過池嘗有詩云千古風流杜牧之詩材猶及杜筠兒向來稍喜唐風集今悟樊川是父師

鶴詩集名唐風

康輿之重九詞

慶元丙辰重九風雨中七兄約登高於神岡西

臺因記康輿之作 高宗時謚詞云重陽日四

面雨垂垂戲馬臺前泥拍肚龍山踞上水平臍
滄浸倒東籬茱萸膝黃菊濕壘壘落帽孟嘉尋
箬笠漉巾陶令買簑衣都道不如歸為之一笑
與之自與人云未句或傳兩箇一身泥非也

朱希真出處

朱敦儒字希真洛陽人紹聖諫官勃之孫靖康
亂離避地自江西走二廣紹興二年詔廣西宣
諭明橐訪求山林不仕賢者橐薦希真深達治
體有經世之才靜退無競安於賤貧嘗三召不
起特補迪功郎後賜出身歷館職郎官出為浙
東提刑致仕居嘉禾詩詞獨步一世秦丞相晚
用其子某為刪定官欲令希真教秦伯陽作詩
遂落致仕除鴻臚少卿蓋久廢之官也或作詩
云少室山人久掛冠不知何事到長安如今縱
插梅花醉未必王侯着眼看蓋希真舊嘗有鷓
鴒天云我是清都山水郎天教懶慢帶疎狂曾
批給露支風勅累奏留雲借月章詩萬首酒千
觴幾曾着眼看侯王玉樓金闕慵歸去且插梅
花住洛陽最膾炙人口故以此譏之淳熙間沅
州教授湯巖起刊詩海遺珠所書甚略而云蜀
人武橫詩也未幾秦丞相薨希真亦遭臺評

高宗曰此人朕用明橐薦以隱逸命官置在館閣豈有始恬退晚奔兢耶其實希真老愛其子而畏避竄逐不敢不起識者憐之

老人十拗

朱新仲鄞川志載郭公父老人十拗詩謂不記近事記得遠事不能近視能遠視哭無淚笑有淚夜不睡日睡不肯坐多好行不肯食軟要食硬兒子不惜惜孫子大事不問碎事絮少飲酒多飲茶暖不出寒即出丁巳歲予年七十二目視昏花耳中無時不作風雨聲而實雨却不甚聞因補一聯云夜雨稀聞聞耳雨春花微見見空花是亦兩拗也嘗錄寄朱元晦朱大以為然請予足成之遂貼兩句云自怜他日盲宰相今復癡聾作富家

辯歐陽公用金帶事

杜工部詩屢及銀章歐陽文忠公詩數言金帶

此亦常事後來士大夫多以不仕為曠達又因前輩偶謂老覺腰金重慵便枕玉涼為未是富貴小說遂云永叔這條金帶幾次道著予謂近世邁往陵雲視官職如韁鑿誰如東坡然送陳睦詩云君亦老嫌金帶重望湖樓詞云不堪金帶垂腰豈害其為達耶

李石霜月詩

唐李義山霜月絕句云青女素娥俱耐冷月中霜裏闢婵娟本朝石曼卿云素娥青女元無匹霜月亭亭各自愁意相反而句皆工

東坡寒碧軒詩

蘇文忠公詩初若豪邁天成其實關鍵甚密再來杭州作壽星院寒碧軒詩句句切題而未嘗拘其云清風肅肅搖牕扉牕前修竹一尺圍紛紛蒼雲落夏簟冉冉絲霧霑人衣寒碧各在其中第伍句日高山蟬抱葉響頗似無意而杜詩

云抱葉寒蟬靜併葉言之寒碧亦在中矣人靜
翠羽穿林飛固不待言末句却說破道人絕粒
對寒碧為問鶴骨何緣肥其妙如此

記夢

予少年嘗夢主人家其書室為叢竹所蔽殊不
開爽堂下皆古柳鴨噪不止夢中作詩云竹多
翻障月木老只啼鳥意謂竹本清虛延貯風月
今反窒塞如此種木不棲鸞鳳徒能集鳥以聒
耳似譏其主人也後數年為金陵教官初入廨
舍則廳下及門外古柳叅天鴨鳴竟日廳傍小
書室叢竹蔽虧恍如所夢

金鎖甲

周紫芝竹坡詩話第一段云杜少陵遊何將軍
山林詩有雨拋金鎖甲苔卧綠沉鎗之句言甲
拋於雨為金所鎖鎗卧於苔為綠所沉有將軍
不好武之意余讀薛氏補遺乃以綠沉為精鐵

謂隨文帝賜張大淵以綠沉之甲是也不知金鎖當是何物後又讀趙德麟候鯖謂綠沉為竹乃引陸龜蒙詩一架三百竿綠沉森杳冥此尤可笑已上皆紫芝之語予按符堅使熊邈造金銀細鎧金為綫以縲之蔡琰詩云金甲耀日光至今謂甲之精細者為鎖子甲言其相銜之密也紫芝工詩而詩話首篇踈失如此何耶綠沉為精鉄則不待辨矣

論詩雅頌

楊子法言曰正考甫嘗晞尹吉甫矣公子奚斯常晞正考甫矣蓋尹吉甫能作崧高烝民等詩以美宣王故正考甫晞之而作商頌是則揚子以閔宮之頌為奚斯所作矣班孟堅王文考為賦序皆有奚斯頌魯僖之言蓋本諸楊子也學者謂閔宮但曰新廟奕奕奚斯所作而無作頌之文遂疑揚子為誤以予觀之奚斯既以公命

作廟又自陳詩歸美其君故八章之中上自姜
姬后稷下逮魯公魯侯備極稱頌至末章始言
作廟之功亦不為過只如崧高詩亦云其詩孔
碩其風肆好是吉甫固嘗自稱美矣何獨於奚
斯而疑之揚子之言必有所據

祝文

皇后生辰三茅觀設醮祝文

氣淑春陽茲惟令序祥開月慶載紀誕期仰陰
教之素脩罄群心而申祝肅衆羽士祇按瓊科
伏願誠格穹蒼慶流宮掖天作之合丕延有永
之年邦享于休共對無疆之祚

潭州祈雨祝文

政績繆戾至于陰陽之和物當發生乃愆雷雨

之澤雖嘗奔走於群祀未敢瀆煩於上穹今春
時已深農務正急而陂池久涸田畝失耕若非
致力於初何以責成於後孰能為地惟可呼天
伏望閔民無辜赦臣有罪擴乾坤之鴻施釋黎
庶之憂心三日為霖示有秋之嘉應多龍則旱
破自昔之俚談

薦尚氏姊水陸文

姊弟同氣期畢世以相依死生異塗悵終天之
永隔欲寫無窮之戚必資最勝之緣按梁武之
舊儀潢河難之遺教設衆香之鉢以屬饗萬口
燃無盡之燈以徧照九幽庶幾凡聖之普霑可
使自他之俱利伏願佛慈無礙願力無邊消亡
者塵塵劫劫之罪愆釋亡者世世生生之冤業
受人天之至樂慰手足之深悲

焚黃水陸文

薄命天窮莫奉過庭之訓湛恩日富屢頒告第

之書適生育之載臨念劬勞之缺報集寶坊之
淨侶演焦面之遺文熏脩罔間於冥陽悃悞尚
通於幽顯伏願乘佛威力受國寵榮永從極樂
之遊少慰遺孤之望

廣教寺設供祝文

孝極事親每自憐其孤苦禮嚴上家乃久困於
飄流繇多生罪逆之至深故今世報緣之如此
逮被涵泉之澤益懷反哺之悲恭即寶坊虔脩
淨供追崇梵福雖人子之至情升濟冥塗亦導
師之本願仰惟慈愍俯為證知

南嶽行宮祈晴祝文

惟皇降康眷是湖湘畝有餘糧農夫洋洋黍稷
稻梁指期積倉孰云肅霜而以雨防顧瞻圃場
惆悵徬徨吏治弗減惟知祈禳帝功夙彰日暘
則暘母令豐穰反虞災傷齋心撰良祗薦令芳

東明寺祈晴文

下民望歲欲多稼之豐登大士應緣隨衆生之
祈禱瞻言農畝幸底金穰乃當刈穫之時未息
霖霖之雨人將咨怨吏則憂惶茲仰叩於覺慈
庶速回於霽景伏願運神通力開方便門消散
積陰現祥雲之紛郁破除諸暗舒慧日之光明
毋棄壞於全功永皈依於妙智

西峯寺緣化巖主殿疏

盧行者新州立塔鑪香却貫於漕溪海禪師二
水涅槃室宇元成於寶應共惟大士夙眷西峯
盤旋再閏之間證悟一真之要去之二百十
靈應滋彰宜乎十萬餘家歸依愈切雖睟容之
儼設顧緝殿之久虛與其拆東補西孰若將無
作有打碎釋迦立起佛殿只是一僧供養羅漢
燒却木頭本非二致衆緣所在法施何疑

天華院佛殿募緣疏

莊嚴佛事比丘非得已而為捐棄私財長者亦

見幾而作况歆支傾補弊豈難積少成多春此
佛廬巋然古渡毛蓋頭而浸壞廬穿邨以誰憐
山僧既已辨心檀施何妨出力補故寺而獲二
梵世尊之說不虛如貧女而施一錢多生之報
終在

